

唐千金類方

上海千頃堂書局發行
嚴如經著



備急千金要方卷十二 心臟

後學三水黃恩榮幹南編述

三男 中醫學專門畢業 涕君校對
學生 廣州中醫藥大學學士 陳景山覆校
學館專門畢業

心臟脉論第一

心虛實第二 心小腸俱虛實附

心勞第三

脉極第四

脉虛實第五

心腹痛第六

胸痺第七

頭面風第八 頭眩 面風 髮白 生髮 白赤禿

心臟脉論第一

論五臟

論曰。五臟者。魂魄之宅。舍精神之所依託也。魂魄飛揚者。其五臟空虛也。即邪神居之。神靈所使鬼而下之。脉短而微。其臟不足。則魂魄不安。魂屬于肝。魄屬于肺。肺主津液。即為涕泣出。肺氣衰者。即泣出。肝氣衰者。魂則不安。肝主善怒。其聲呼。



論心臟

心主神。神者五臟專精之本也。為帝王監領四方。夏王七十二日。位在南方。離宮火也。有生之來謂之精。兩精相搏謂之神。所以任物謂之心。神者心之藏也。舌者心之官。故心氣通于舌。舌和則能審五味矣。心在竅為耳。夫心者火也。腎者水也。水火相濟。心氣通于舌。舌非竅也。其通于竅者。寄見于耳。左耳丙。右耳丁。循環炎宮。上出唇口知味。榮華于耳。外主血。內主五音。心重十二兩。中有三毛七孔。盛精汁三合。神名吶吶。主藏神。號五神居。隨節應會。故云心藏脉。脉舍神。在氣為吞。在液為汗。心氣虛則悲。不已實則笑不休。心氣虛則夢救火。陽物得其時則夢燭灼。心氣盛則夢喜笑及恐畏。厥氣客于心則夢邱山烟火。

心在聲為笑。在變動為憂。在志為喜。喜傷心。精氣並於心則喜。心虛則悲。悲則憂。實則笑。笑則喜。

憂愁畏慮則傷心。心傷則苦驚。喜忘善怒。

邪哭使魂魄不安者。血氣少也。血氣少者屬于心。心氣虛者其人即畏。合目欲眠。夢遠行而精神離散。魂魄妄行。陰氣衰者。即為癰。陽氣衰者。即為狂。

驚悸癰狂皆心氣虛所致故後小腸

肺門有風眩風顛諸證

論心病

病先發于心者心痛。一日之肺喘咳。三日之肝脇痛。支滿。五日之脾閉塞不通。身痛體重。三日不已。死。冬夜半。夏日中。病在心。日中慧。夜半甚。平旦靜。

心之積。名曰伏梁。起于臍上。上至心。大如臂。久久不愈。病煩。心痛。以秋庚辛日得之。何也。腎病傳心。心當傳肺。肺適以秋王。王者不受邪。心復欲還腎。腎不肯受。因留結為積。故伏梁以秋得之。

診得心積。沈而芤。時上下無常處。病胸滿悸。腹中熱。面赤咽乾。心煩。掌中熱。甚則唾血。身癰癰。主血厥。夏瘥。冬劇。色赤也。

假令心病。北行。若食豚魚得之。不者。當以冬時發。得病以壬癸日也。

心中風者。翕翕發熱。不能起。心中飢而欲食。食則嘔。

心中寒者。其人病如噉蒜齏狀。劇者心痛徹背。背痛徹心。如蟲注。其脉浮者。自吐乃愈。

心水者。其人身體腫重。而少氣。不得卧。煩而燥。其陰大腫。

真心痛。手足清至節。心痛甚。旦發夕死。夕發旦死。

心脹者。煩心。短氣。卧不安。

論心病脉

凡心臟象火。與小腸合為腑。其經手少陰。與太陽手太陽小腸為表裏。其脉洪。相于春。王。

于夏。夏時萬物洪盛。垂枝布葉。皆下垂如曲。故名曰鉤。解了鉤字心脉洪大而長。洪則

衛氣實。實則氣無從出。大則營氣萌。萌洪相薄。可以發汗。故名曰長。長洪相得。即引

水漿溉灌。經絡津液皮膚。太陽手太陽洪大。皆是母軀。小腸為火。心為火。幸得戊

己用牢根株。土旺生木。木又生火。心火太盛。陽氣上出。汗見于頭。火又五內乾枯。胞中空虛。醫又下

之。既竭其陰。則此為重虛。脉浮有表。無裏。陽無所使。不但危身。並其母。

夏脉如鉤。夏脉心也。南方火也。萬物之所以盛長也。故其氣來盛去衰。故名鉤。反此

者病。何如而反。其氣來盛去亦盛。此謂太過。病在外。其來不盛去反盛。此謂不及。病

在內。太過則令人身熱而膚痛。為浸淫。不及則令人煩。心上見咳唾。下為氣泄。素問玉機

真臟篇

心脉急甚為瘕瘕。微急為心痛引背。食不下。緩甚為狂笑。微緩為伏梁。在心下上下

行。有時唾血。大甚為喉介。微大為心痺引背。善淚出。小甚為善噦。微小為消痺。滑甚

為善渴。微滑為心疝引臍。小腹鳴。瀉甚為瘡。微瀉為血溢。維厥耳鳴。癰疾。靈樞邪氣

篇

凡心脉急。名曰心疝。少腹當有形。其以心為牡臟。小腸為之使。故少腹當有形。

心傷。其人勞倦。頭面赤而下重。心中痛徹背。自煩發熱。當臍跳手。其脉弦。此為心臟

傷所致也。

心脉搏堅而長當病舌卷不能言其濡而散者當病消渴自己渴一作環
心脉沈之小而緊浮之不喘苦心下聚氣而痛食不下喜咽唾時手足熱煩滿時忘
不樂喜太息得之憂思

論心死脉

心脉來累累如連珠如循琅玕曰平夏以胃氣為本心脉來喘喘連屬其中微曲曰
心病心脉來前曲後居如操帶鉤曰心死

夏胃微鉤曰平鉤多胃少曰心病但鉤無胃曰死胃而有石曰冬病石甚曰今病
心脉來累累如貫珠滑利再至曰平三至曰離經病四至脫精五至死六至命盡手
少陰脉也

心死臟浮之實如豆麻擊手按之益躁疾者死夏心火王其脉浮大而散一作洪曰平

反得弦細而長者是肝之乘心母之歸子為虛邪雖病易治反得大而緩者是脾之
乘心子之乘母為實邪雖病自愈反得沈濡而滑者是腎之乘心水之尅火為賊邪
大逆十死不治反得微澀而短者是肺之乘心金之陵火為微邪雖病即瘥腎乘心
必瘥

真心脉至堅而搏如循薏苡子累累然色赤黑不澤毛折乃死素問五臟論機

心病煩悶少氣大熱熱上湯心嘔咳吐逆狂語汗出如珠身體厥冷其脉當浮今反

沈濡而滑其色當赤而反黑者此是水之尅火為大逆十死不治

論心病色

赤為心。心合脉。赤如雞冠者吉。心主舌。舌是心之餘。其人大形相比于上。微赤色廣

則兌同銳面。小頭好肩背脾腹。小手足行安地疾行搖肩背肉滿有氣輕財少信多慮

見事明了好顧急心不壽暴死耐春夏不耐秋冬秋冬感而中病主少陰竅竅然鶻

肝音易于胸前長短傾正則心應之正赤色小理者則心小小則邪弗能傷易傷以

憂粗理者則心大大則虛虛則寒寒則憂不能傷易傷于邪無鶻肝者則心高則

實實則熱熱則滿于肺中悶而善忘難開以言鶻肝小短舉者則心下下則藏外易

傷于寒易恐以言鶻肝長者則心堅堅則藏安守固鶻肝弱以薄者則心脆脆則善

病消瘴熱中鶻肝直下不舉者則心端正端正則和利難傷鶻肝向一方者則心偏

傾一云若鶻肝小短薄弱而下則心下下則虛虛則傷傾則操持不一無守司也寒病憂患內損心暴痛而好唾清涎口臭蟲齒痛侵

唇齒若鶻肝高起則心高高則實實則熱熱則滿于心悶而善忘恐悸喉燥口痛牙癰舌傷小兒則便秘口重舌鶻口聲嘶方見頭面篇中

赤脉之至也喘而堅診曰有積氣在中時害于食名心痺得之外疾思慮而心虛故

邪從之扁鵲曰心有病則口生瘡腐爛

心藏脉脉舍神怵惕思慮則傷神神傷則恐懼自失破腠脫肉毛悴色夭死于冬

手少陰氣絕則脉不通少陰者心脉也心者脉之合也脉不通則血不流血不流則

髮色不澤。面黑如漆。柴者血先死。壬篤癸死。水勝火也。

凡人部分陷起者。必有病。生小腸太陽為心之部。其處陷起。即病生矣。藏舍內外。亦內外。沈濁屬內。浮清居外。若外病內入。小腹滿起。內病裏出。所部陷沒。外入內。前治陽。後補陰。內出外。前補陰。後瀉陽。陽則實熱。陰則虛寒。在陽主外。在陰主內。凡人生生休咎。則藏神前變。形于外。人心前病。則口為之開張。若心前死。則枯黑。語聲不轉。若天中等分。墓色應之。必死不治。看應增損。斟酌賒促。賒則不出。四百日內。促則不延。旬日之間。心病少愈而卒死。何以知之。曰赤黑。黑色黯點如博碁。見顏。度年上。必卒死。心絕一日死。何以知之。兩目回。回直視。肩息立死。凡面赤目白。憂恚思慮。心氣內索。面色反好。急求棺槨。不過十日死。又面黃目赤不死。赤如衄血死。吉。山之色。若在于分部。臄臄而見赤黑入口。此必死。不出其年。名曰行尸。若年上無應。三年之中。病必死矣。

論心病聲

徵音人者。主心聲也。心聲笑。其音等。其志喜。其經手少陰厥逆。太陽手太陽則榮衛不通。陰陽反錯。陽氣外擊。陰氣內傷。傷則寒。寒則虛。虛則驚。掣心悸。定心湯主之。方

在第十四卷中。

小腸腑門。風虛驚悸第六。小定心湯。用茯苓人參。遠志芍藥。桂心乾薑。白朮赤石脂。防風紫

龍骨甘草大棗。

語聲前寬後急。後聲不續。前混後濁。口喁。冒昧好自笑。此為厲

風入心。荊瀝湯主之。方在第八卷中。諸風門。賊風第三。荊瀝湯。用荊瀝薑汁。麻黃升

草。木甘心虛風寒。半身不遂。骨節離解。緩弱不收。便利無度。口面喎斜。薑附湯主之。方

在第八卷中。諸風門。賊風第三。乾薑附子湯。此病不盈旬日。宜急治之。又笑而呻。呻

而反憂。此為水尅火。陰擊陽。陰起而陽伏。伏則實實則傷熱。熱則狂。悶亂冒昧。言多

謬誤。不可採聽。此心已傷。若其人口唇正赤。可療。青黃白黑。不可療也。

幹南按。此段分四截看。言心與小腸之關係。最為重要。心合小腸。而主血脉。血

脉流通。則小腸陽。手太週迴直達。膀胱足太表裏陰陽皆順。若心氣不足。及小腸

太陽厥逆上行。營衛不通。陰陽反錯。陽氣擊于外。陰氣傷于內。傷則寒。寒則虛。

虛則驚悸而心病。心之本經既病。復感于邪。厲風入心。則心神外越。口喎冒昧。

好自笑而癲矣。或感于邪。虛風入心。則心火緩弱。骨節離解。便利無度。口面喎

斜。半身不遂而癱矣。此皆心傷于寒所致。若心氣不定。及手經病。連足少陰厥逆

上行。水尅火。陰擊陽。腎陰起而心陽伏。伏則實。實則熱。熱則悶亂冒昧。言多謬

誤而狂矣。總之五臟不平。六腑閉塞之所生。語見後風心氣順則小腸順。心氣

逆則小腸逆。為寒為熱。皆心氣內變。或感于邪而然。陰陽消息流通之機。可不

察歟。

心病為瘡者。令人心煩甚。欲得清水。反寒。多不甚熱。方在第十卷中。傷寒雜治門。溫

熱不止或止後熱不歇令人煩心甚欲飲清水反寒多不
甚熱方用梔子香豉枳實石膏烏梅薤白恒山蜀漆甘草
忽弊急反于常白朮酒主之方在第八卷中
白朮釀酒補心志定氣用
白朮刺實菊花地骨皮
或言未竟便住以手剔腳爪此人必死禍雖未及名曰行
尸此心病聲之候也虛則補之實則瀉之不可治者明而察之

論小腸經筋

其筋起于小指之上結于腕上循臂內廉結肘內兌骨之後彈之應小指之上八結
腋下其支者後走腋後廉上繞肩甲循頸出足太陽之筋前結于耳後完骨其支者
入耳中直出耳上下結于頷上屬目外眥

論小腸經脉

其脉起于小指之端循手外側上腕出踝中直上循臂骨下廉出肘內側兩骨之間
上循臑外後廉出肩解繞肩甲交肩上入缺盆向腋絡心循咽下膈抵胃屬小腸其
支者從缺盆循頸上頰至目銳眥却入耳中其支者別頰上頰音拙抵鼻至目內
眥斜絡于頰合手少陰屬心為表裏少陰本在兌骨之端應在背後同會于手太陰經筋

論小腸經別脉

其手太陽之別名曰支正上腕五寸內注少陰其別者上走肘絡肩髃主心生病病

實則小。腸熱則節弛。弛則陽病。陽脉大。反逆于寸口再倍。病則噎痛領腫耳聾目黃。卧不能言。悶則急坐。虛則小。腸寒。寒則生眈。眈則陰病。陰脉反小于寸口。過于一倍。病則短氣。百節痛。筋急。頸痛。轉顧不能。此盡是手太陽小腸經筋脉支別為病。今取心主包絡少陰心經附于後。

論手心主經脉

手心主之脉起于胸中。出屬心包。下膈。歷絡三焦。其支者循胸。出脇下腋三寸。上抵腋下。循臑內。行太陰少陰之間。入肘中下臂。行兩筋之間。入掌中。循中指出其端。其支者別掌中。循小指次指出其端。是動則病。手心熱。肺行掌中。勞宮。肘臂攣急。肢腫。皆脉所甚則胸脇支滿。出脇胸中澹澹搖動貌。水大動。脉出中勞宮。目黃。心為五臟之精。善笑不休。為聲。是主脉所生病者。煩心。心痛。掌中熱。為此諸病。盛則瀉之。虛則補之。熱則疾之。寒則留之。陷則灸之。不盛不虛。以經取之。盛者則寸口大一倍于人迎。虛者則寸口反小于人迎。靈樞經篇。

論手心主經別脉

手心主之別名曰內關。去腕五寸。甲乙作二寸。出于兩筋間。循經以上。繫于心包絡。心氣實則心痛。虛則為煩心。取之兩筋間。

論手少陰心經

手少陰之脉起于心中。出屬心系。上膈。絡小腸。其支者從心系上俠咽。系目系。系目系一

出作循胸其直者復從心系却上肺出腋下下循臑內後廉行太陰心主之後下肘內

廉循臂內後廉抵掌後兌骨之端入掌後內廉循小指之內出其端是動則病隘乾

脉上心病本經渴而欲飲心大是為臂厥靈樞經脉篇手少陰脉循臂而是主心所

生病者目黃脉繫腸滿痛脉下臑臂內後廉痛臑臂厥掌中熱痛心包絡所屬為

此諸病盛則瀉之虛則補之盛者則寸口大再倍于人迎虛者則寸口反小于人迎

靈樞經

論手少陰心經別脉

手少陰之別名曰通理在腕後一寸別而上行循經入咽中系舌本屬目系其實則

大臑虛則不能言取之掌後一寸別走太陽手太陽小腸

論心經刺法

左手關前寸口陰絕者無心脉也若心下熱痛掌中熱時時善嘔口中傷爛刺手少

陽焦屬三治陽

左手關前寸口陰實者心實也若心下有水氣憂恚發之刺手心主治陰

心病其色赤心痛短氣手掌煩熱或啼笑罵詈悲思愁慮面赤身熱其脉實大而數

此為可治宜服調宜服春當刺中衝夏刺勞宮夏季刺大陵皆補之秋刺間使冬刺

曲澤皆瀉之此是手少陰心主又當灸巨闕五十壯背第五椎百壯

夏火。心脉色赤。主手。太陽腸小也。夏取盛經分腠。夏者火始。治心氣始長。脉瘦氣弱。陽氣留溢。熱熏分腠。內至于經。故取盛經分腠。絕膚而病去者。邪居淺也。所謂盛經者。陽脉也。其脉本在外踝之後。應在命門之上三寸。命門者。在心上一寸也。脉根在少澤。少澤在手小指端。

時主夏病者。時間時甚。知其源。取其輸。觀其應。審其害。邪在心。則病心痛。善悲。時眩仆。視有餘不足。而調其輸。

手少陰之脉。獨無輸。何也。曰。少陰者。心脉也。心者五臟六腑之大主。為帝王精神之所舍。其臟堅固。邪不能容。容之則傷心。心傷則神去。神去則身死矣。故諸邪在手。心者皆在心。心之包絡。包絡者。心主之脉也。故少陰無輸也。少陰無輸。心不病乎。曰。其外經。腑病。臟不病。故獨取其經于掌後兌骨之端也。

論心小腸赤脉攢法

夏三月。主心小腸赤脉攢病也。攢音費。擊仆也。身之皮肉。其源從少陰。手少陰。太陽。手

腸小之氣相搏而停。停。聚熱。停蓄熱。則榮衛不通。皮肉痛起。太陽動發。少陰淫邪之氣因而作。

則臟腑隨時受夏疫病也。其病相反。若太陽腑虛。則為陰邪氣。即寒邪。猶所傷。身戰脉掉捉。所不禁。少陰臟實。則為陽毒。熱毒云。所侵。肉熱。口開舌破。咽塞聲嘶。故曰赤脉。



攢病方見傷寒卷中

傷寒門。心腑臟溫病。陰陽毒。戰掉不安。驚動。方用大青麻黃生葛。梔子黃芩石膏。知母芒硝。玄參生地黃。

幹南按。心小腸赤脉攢病。猶肝膽青筋牽病也。青筋牽。為肝膽熱極。赤脉攢。為

心小腸熱極。分經辨治。不至臨證茫然。

又按。此時疫癘熱常有之病。由小腸積熱上逆于心。手經太陽之氣不行。致上

焦少陰之邪不出。鬱極相搏。營衛不通。皮肉外現積癍。成毒。但其中有腑虛臟

實之異。即其病有陰毒陽毒之分。驟語以疫病陰陽毒之症。俗醫固不知更舉

心腑臟疫病赤脉攢之名。尤不識。則不讀千金方之過也。

扁鵲云。灸腎肝心三輪。主治丹。

一作痺。

毒。病當依源為治。表治陰陽調和。臟腑疾不生

矣。

幹南按。心為火臟。小腸為火腑。少陰氣盛。必溢于小腸。小腸長三丈二尺。左回

疊積。回運環反十六曲。其道紆而屈結。太陽動發于下。則少陰厥逆于上。營衛

不通。陰陽相搏。而停病由此作。折而言之。有本經病。有循經病。有合經病。有傳

經病。有本經自病。有本經客病。心為牡臟。小腸為之使。心氣實則小腸熱。心氣

虛則小腸寒。病本相因。分別于左。

本經病

真心痛。手足清至節。旦發夕死。夕發旦死。

暴心痛徹背。其人勞倦。頭面赤而下重。自煩發熱。當臍跳。其脉弦。心臟傷所致。

心氣實則笑不休。心氣虛則悲不已。

心煩。心病煩悶少氣熱上湯心。心傷痛徹背。自煩發熱。心病為瘧。令人

心煩。心脹者煩心。卧不安。心積者煩心。掌中熱。心脉太過。令人身熱

膚痛。不及則令人心煩。手心主別脉。繫于心包絡。心系氣實。則心痛。虛則

心煩。

心悸。手經少陰厥逆太陽。則榮衛不通。陰陽反錯。陽氣外擊。陰氣內傷。傷則

寒。寒則虛。虛則驚。擊心悸。定心湯主之。方見小腸腑門。風虛驚悸第六。

循經病

胸內痛。起胸中。手心主脉脇支滿。兩脇下痛。循胸出脇。手心主脉兩臂內痛。手足主脉抵腋。下入肘中。下臂。臍

臂內後廉痛。臍後廉。心脉循臂厥掌中熱痛。掌中。勞宮。行虛則胸腹大。脇下與腰背

相引而痛。皆經脉所過。面赤。心之赤。目黃。心脉繫監乾。心脉上頷腫口瘡。扁鵲曰。心

生瘡。腐爛。舌卷不能言。心氣通于舌。耳鳴耳聾。心寄竅于耳。

合經病

身熱頭痛。小腸病。若身熱來去。大便不利。腹滿。小腸熱結不通。嘔咳吐逆。食不下。喜咽唾。小腸

脉循咽下
膈抵胃

膈背肩甲痛。小腸脉循上出心疝引臍痛。心疝小腹痛有形心為牡臟小腸為之使故小腹痛有形引臍痛

傳經病

病先發于心者心痛。一日之肺。金尅喘咳三日之肝。木尅脇痛支滿五日之

脾。土尅閉塞不通身痛體重為逆傳。

腎病傳心。水尅火心當傳肺。金尅火肺適以秋王王者不受邪心復欲還腎腎不

肯受因留結為積名伏梁以秋得之為逆傳。

夏心火王其脉浮大而洪曰平反得弦細而長是肝之乘心母之歸子為虛邪。雖病易治病從生我者來順傳反得大而緩是脾之乘心子乘母為實邪。雖病自愈病從我生者來亦順傳反得沈滯而滑是腎之乘心水尅火為賊邪。大逆十死不治病從尅我者來逆傳反得微瀉而短是肺乘心金尅火為微邪。雖病即瘥病從我所尅者來亦順傳腎乘心必瘥。

本經自病

即首條本經病。

本經客病

心熱中風心中風者翕翕發熱不能起心中飢而欲食食則嘔。

心虛中寒。心中寒者。其人病如啖蒜齆狀。劇者心痛徹背。背痛徹心。如蟲注。其脉浮者。自吐乃愈。

厲風入心。心虛寒。陰氣傷寒損心。驚悸悸。語聲寬急混濁。口喎。冒昧好自笑。

厲風傷心。見諸風門。賊風第三。

心虛風寒。半身不遂。骨節離解。緩弱不收。便利無度。口面喎邪。

赤脉攢病。手少陰太陽之氣相搏而停。則營衛不通。皮肉痛起。太陽動發。少

陰淫邪之氣因作。臟腑隨時受夏疫病。腑虛則為陰邪所傷。身戰脉掉。促不

可禁。臟實則為陽毒所侵。肉熱口開咽塞聲嘶。為赤脉攢病。